



蘇廷碩集卷上

賦

長樂花賦 并序



蜀太守庭際有紫花草秋中始繁英露洗冬  
早尚直本霜封蕪雜大同於衆卉盛衰小異  
於群物余訝而未識吏或告余曰此長虞所  
賦蜀長樂花也故心暗賞焉因口授書吏遂  
墨而成作恨不見古人所為得髣髴其旨爾  
夫長者以短長之形度其長則至美夫樂者

以哀樂之類同其樂則至喜長也樂也吾安  
得而間之嘉纖植之並用偉令名兮在茲徒  
見其豐簇萃聳高標璀璨莖丹外而縞中葉  
縹分以紅貫綴綠穎之重疊紫紫蕤之爛熳  
迫而象之君子其常或微或章聳危冠兮纓  
若綬默退靜其何望遠以意之佳人欲翔炫  
炫煌煌重羅綺兮撲瑤翠蹇來思而未嘗匪  
以幽兮自直匪以直兮自藏匪以晚兮自耀  
匪以耀兮自強文濁露之均灑庇清舒之泛

光本無嫌於散地甘有寓於殊方然則太液  
初滿上林新霽芊茸的皪萬品千計搖瑞色  
而涵芝雜奇葩而轉蕙孰與夫玉堂金閣之  
徧賞白日青春之特麗歲不與兮時向闌風  
蕭蕭兮夜漫漫賓遠鴻於沙塞叫離鶴於江  
干君曾不見三月華矣盡林間之槁木千霜  
殞矣亦庭下之枯蘭懿此常度凌於早寒假  
春期而著彩雖秋令而不殘衝雨霰之飛薄  
伍雲山之險難芳弗珍於霍靡節恒慕於檀

樂吾則知樹背之奚託惟傾心之可安如後  
凋之是貴罔獨立其誰觀文學椽起而爲亂  
曰  
白露瀼瀼何草不黃紫花灼灼生君之堂彼  
不伐兮秋自翳時或珍兮君是惠彤庭赫兮  
朱草駢交屈軼兮友賓連伊榛莽而荒些君  
何爲而賦旃

五言雜詩

奉和聖製送赴集賢院

肅肅金殿裏招賢固在茲鏘鏘石渠內序拜  
亦同時宴錫勸談道文成貴說詩用儒今作  
相敦學舊爲師下際天光近中來帝渥滋國  
朝良史載能事日論思

奉和聖製過晉陽宮應制

隋運與天絕生靈厭氛昏聖期在寧亂土馬  
興太原立極萬邦推登庸四海尊慶膺神武  
帝業付皇曾孫緬慕封唐首追惟歸沛魂昭  
書感先義典禮巡舊藩高殿綵雲合春旗祥

風翻率西見汾水奔北空塞垣欵曲童兒佐  
依遲故老言里頒慈惠賞家受復除恩下輦  
崇三都建碑當九門孝思敦至美億載奉開  
元

奉和聖製登蒲州道遙樓應制

在昔堯舜禹遺塵成典謨聖皇東巡狩况乃  
經此都樓觀紛迤邐河山幾縈紆緬懷祖宗  
業相繼文武圖尚德既無險觀風諒有孚豈  
如汾水上簫鼓事遊娛

奉和姚令公温湯舊館永懷故人盧

公之作

樹德豈孤邁降神良並出偉茲廊廟中調彼  
鹽梅實正悅虞垂舉翻悲鄭僑卒同心不可  
忘交臂何為失清路荷前幸明時稱右弼曾  
聯野外遊尚記帷中密新慟情莫遺舊遊詞  
更述空令還和辱長感知音日

和杜主簿春日有所思

朝上高樓上俯見洛陽陌搖蕩吹花風落英

紛已積美人不共此芳好空所惜攬鏡塵網  
滋當窓苔蘚碧緬惟在雲漢良願睽枕席翻  
似無見時如何久爲客

餞郢州李使君

楚有章華臺遙遙雲夢澤復聞擁符傳及是  
收圖藉佳政在離人能聲寄侯伯離懷朔風  
起試望秋陰積中路悽以寒群山靄將夕傷  
心聊把袂悵望騏驎客

曉濟膠川南入密界

飲馬膠川上傍膠南趣密林遙飛鳥遲雲赤  
晴山出落暉隱桑柘深秋尚花實慘然遊子  
寒風露將蕭瑟

夜發三泉即事

暗發三泉山窮秋聽騷屑北林夜鳴雨南望  
晚成雪抵詠北風涼詎知南土熱沙溪忽沸  
渭石道乍明滅宛若銀磧橫復如瑤臺結指  
程賦所戀遇虞不遑歇重續濡莫解懸旌東  
猶揭下奔泥棧楮上覲雲梯設搏頰羸馬頓

回眸惴人跌憧憧復往還心注思愈切冉冉  
年將病力困衰怠竭天彭信方隅地勢誠斗  
絕太曳尚書履叨蕪使臣節京坻有歲饒亭  
障無邊孽歸奏丹墀左騫能俟來慙

小園納涼即事

煩暑避鬱蒸歸閑習高明長風自遠來層閣  
有餘清散灑納涼氣蕭條遺世情柰何誇大  
隱終日繫塵纓

閑園即事寄贈韋侍郎

結廬東城下直望江南山青靄遠相接白雲  
來復還拂筵紅蘚上開幔綠條間物應春偏  
好情忘趣轉閒憲臣饒美政聯事惜徂顏有  
酒空盈酌高車不可攀

昆明池晏坐吞王兵部珣三韻見示  
畫舸疾如飛遙遙泛夕暉石鯨吹浪隱玉女  
步塵歸獨有銜思處明珠在釣磯

七言古詩

長相思

君不見天津橋下東流水南望龍門北朝市  
楊柳青青宛地垂桃紅李白花參差花參差  
柳堪結此時憶君心斷絕

五言律詩

題壽安王主簿池館

洛邑通馳道韓郊在屬城館將花雨映潭與  
竹聲清賢俊鸞栖棘賓遊馬佩衡願言隨狎  
鳥從此濯吾纓

立春日侍宴內出剪花綵應制

曉入宜春苑穠芳吐禁中剪刀因裂素粧粉  
為開紅彩異驚流雪香饒點便風裁成識天  
意萬物與花同

九日侍宴應制得時字

嘉會宜長日高遊順動時曉光雲外洗晴色  
雨餘滋降鶴因韶得吹花入御詞願陪陽數  
節億萬九秋期

奉和聖製登驪山高頂寓目應制

仙蹕御層氲高高積翠分崑聲中谷應天語



半空聞豐樹連黃葉函關入紫雲聖圖恢寓  
縣歌賦少橫汾

扈從溫泉春和姚令公喜雪

清道豐人望乘時漢主遊恩暉隨霰下慶澤  
與雲浮泉暖驚銀磧花寒愛玉樓鼎臣今有  
問河伯且應留

奉和聖製人日清蹕閣宴群臣遇雪

應制二首

樓觀空煙裏初年瑞雪過花花齊玉樹池水

作銀河七日祥圖啓千春遇賞多輕飛傳綵  
勝天上奉薰歌

二

平明敞帝居霰雪下陵虛寫月含珠綴從風  
薄綺䟽年驚花絮早春應管絃初已屬雲天  
外欣承霈澤餘

奉和送金城公主適西蕃應制

帝女出天津和戎轉綺輪川輕斷腸望地與  
折走隣奏曲風嘶馬街悲月伴人旋知偃兵

革長是漢家親

幸白鹿觀應制

碧虛清吹下藹藹入仙宮  
松磴攀雲絕花源  
接澗空受符邀羽使傳訣  
駐香童詎似間居  
日徒聞有順風

秋社日崇讓園宴得新字

鳴爵三農稔勾龍百代神  
運昌叨輔弼時泰  
喜黎民樹缺池光近雲開  
日影新生全應有  
地長願樂交親

奉和魏僕射秋日還鄉有懷之作

南宮夙拜罷東道正遊初  
飲餞傾冠蓋傳呼  
問里閭樹悲懸劍所溪想釣魚  
途清發輝光  
至增榮四馬車

武擔山寺

武擔獨蒼然墳山下玉泉  
龜趺時共盡龍女  
事同遷松柏街哀處幡花種  
福田詎知留鏡  
石長與法輪圓

餞潞州陸長史再守汾州

河尹政成期為汾昔所推不榮三入地還美  
再臨時擁傳雲初合聞鷺日正遲傍人多出  
餞別有吏人思

餞荊州崔司馬

茂禮雕龍昔香名展驥初水連南海漲星拱  
北辰居稍發仙人履將題別駕輿明年徵拜  
入荆玉不識諸

送吏部李侍郎東歸

陌上有光輝披雲向洛畿賞來榮扈從別至  
惜分飛泉溜含風急山煙帶日微茂曹今去  
矣人物喜東歸

送光祿姚卿還都

漢室有英台荀家多寵才九卿朝已入三子  
暮同來不授綸為草還司鼎用梅兩京王者  
宅駟馬日應迴

春晚送瑕丘田少府還任因寄洛中

鏡上人

聞道還沂上因聲寄洛濱別時花欲盡歸處

酒應春聚散同行客悲歡屬故人少年歸樂  
地遙贈一霑巾

送賈起居奉使入洛取圖書因便拜

覲

舊國才因地當朝史命官遺文徵缺簡還思  
採芳蘭傳發關門候觴稱邑里歡早持京副  
入旋佇洛書刊

送常侍舒公歸覲

朝聞講藝餘晨省拜恩初訓胄尊庠序榮親  
耀里間朱丹華轂送班白綺筵舒江上春流  
滿還應薦躍魚

興州出行

危途曉未分驅馬傍江濱  
滴滴泣花露微微  
出岫雲松梢半吐月蘿翳  
漸移暉旅客腸應  
斷吟猿更使聞

奉和七夕燕兩儀殿應制

靈媛乘秋發仙裝警夜催  
月光窺欲渡河色  
辨應來機石天文寫針樓  
御賞開竊觀樓鳥

至疑向鵲橋迴

春日芙蓉園侍宴應制

御道紅旗出方園翠輦遊繞花開水殿架竹  
起山樓荷芰輕薰幄魚龍出負舟寧如穆天  
子空賦白雲秋

贈司徒竇盧府君挽詞

寵贈追胡廣親臨比賀循幾聞投劍客多會  
服總人草閉墳將古松陰地不春二陵猶可  
望存沒有忠臣

故右散騎常侍讀舒國公褚公挽歌

陽宅疏豐稱臨平演慶源學筵尊授几儒服  
寵乘軒審諭留中密開陳與上言徂輝一不  
惜空有賜東園

邊秋薄暮

海外秋鷹繫霜前旅鴈歸邊風思鞞鼓落日  
慘旌麾浦暗漁舟入川長獵騎稀客悲逢薄  
暮况乃事戎機

曉發方騫驛

傳置遠山蹊龍鍾蹶澗泥片陰常作雨微照  
已生霓鬢髮愁氛換心情險路迷方知向蜀  
老偏識子規啼

經三泉路作

三月松作花春行日漸賒竹防山鳥路藤沒  
野人家透石飛梁下尋雲絕磴斜此中誰與  
樂揮涕語年華

蘇廷碩集卷上

蘇廷碩集卷下

五言律

奉和聖製登太行山中言志應制

北山東入海馳道上連天順動三光注登臨  
萬象懸俛觀河內邑平指洛陽川按蹕夷關  
險張旗亘井泉曉巖中警析春事下蒐田德  
重周王問歌輕漢后傳宸遊鋪令典睿思起  
芳年願以封書奏迴鑿禪肅然

奉和聖製經河上公廟應制

河流無日夜河上有神仙輦路曾經此垓場  
即宛然下疑成洞穴高若在空中煙善物遺方  
外和光統道邊事因周史得言向漢王傳嘉  
屬膺期聖邦家業又玄

奉和聖製荅張說出雀鼠谷

雨施巡方罷雲從訓俗迴密途汾水衛清蹕  
晉郊陪寒看山邊盡春當日下來御祠玄鳥  
應仙杖綠楊開作頌音傳雅觀文色動台更  
知西嚮樂宸藻叶鹽梅

扈從溫泉同紫微黃門群公泛渭川

得齊字

虹旗映綠蕙春使漢豐西侍蹕浮渭道揚船  
降紫泥近臨釣石地遙指釣黃溪岸轉帆飛  
疾川平棹舉齊傳舟來是用軒馭往應迷興  
發菱歌動沙洲亂夕鷺

奉和聖製途次舊居應制

潞國臨淄邸天王別駕輿出潛離隱際小往  
大來初東陸行春典南陽即舊居約川星罕

駐扶道日旂舒雲覆連行在風迴助掃除木  
行城邑望泉落土田疏昔試邦興后今過俗  
僊予示威寧校獵崇讓不陳漁府吏趨宸扆  
鄉耆捧帝車帳傾三飲處間整六飛餘盛業  
銘汾鼎昌期應洛書願陪歌賦末留比蜀相  
如

奉和恩賜樂遊園宴應制

樂遊光地選醑飲慶天從座密千官盛場開  
百戲容綠塍際山盡翠幕倚雲重下上花齊  
發周迴柳遍濃奪晴紛劔履喧聽雜歌鐘日  
晚銜恩散堯人併可封

奉和聖製幸禮部尚書竇希玠宅應制

尚書列侯第外戚近臣家飛棟臨清綺迴輿  
轉翠華日交當戶樹泉漾滿池花圓頂圖嵩  
石方流擁魏沙豫游今聽履侍從昔鳴笳自  
有天文降無勞訪海查

奉和晦日幸昆明池應制



炎曆事邊垂昆明始鑿池豫遊光後聖征戰  
罷前規霽色清珍宇年芳入錦陂御杯蘭薦  
葉仙仗柳交枝二石分河瀉雙珠代月移微  
臣比翔泳恩廣自無涯

恩制尚書省寮宴昆明池同用堯字  
露溼灑雲霄天官次斗杓昆明四十里空水  
極晴朝鴈似銜紅葉鯨疑噴海潮翠山來徹  
底白日去迴標泳廣漁杖溢浮深妓舫搖飽  
恩皆醉止合舞共歌堯

奉制漕橋東送新除岳牧

寶賢不遺俊臺閣盡鴛鸞未若安人切其如  
簡帝難上才膺出典中旨念分官特以專城  
貴深惟列郡安政行思務本風靡屬勝殘有  
令田知急無分獄在寬至言題睿扎殊渥灑  
仙翰詔餞三台降朝榮萬國歡舉杯臨水發  
張樂擁橋觀式佇東封會鏘鏘檢玉壇

秋夜寓直中書呈黃門舅

簾櫳上夜鈎清切聽更籌忽共鷄枝老還如

騎省秋循庭喜三友對渚憶雙游紫綬名初  
拜黃綬迹尚留月舒當北幌雲賦直東樓恩  
渥迷天施童蒙慰我求遲君台鼎節聞義一  
承流

敬和崔尚書大明朝堂雨後望終南

山見示之作

奕奕輕車至清晨朝未央未央在霄極中路  
視咸陽委曲漢京近周迴秦塞長日華動涇  
渭天翠合岐梁五丈旌旗色百層粉檠光東

連歸馬地南指鬪雞塲晴壑照金 秋雲含  
璧璫由余窺霸國蕭相奉興王功役隱不見  
頌聲存復揚權宜珍構絕聖作寶圖昌在德  
期巢燧居安法禹湯家卿才順美多士賦成  
章價重三臺俊名超百郡良馬知掖垣下陳  
力自迷方

奉和馬常侍寺中之作

怨暑時雲謝愆陽澤暫偏鼎陳從祀日鑰動  
問刑年絳服龍雩寢玄冠馬使旋作霖期博

說爲旱聽周宣河嶽陰符啓星辰暗檄傳浮  
涼吹景氣飛動灑空煙颯颯將秋近沉沉與  
暝連分湍涇水石合穎雍州田德施超三五  
文雄賦十千及斯何以樂明主敬人天

奉和崔尚書贈大理陸卿鴻瀘劉卿

見示之什

戲藻嘉魚樂棲梧高鳳飛類從皆有召聲應  
乃無違美價逢時出奇才選衆稀避堂貽後  
政掃地發前幾出曳仙人履還薰侍女衣省  
中何赫奕庭際滿芳菲吏部端清鑒丞郎肅  
紫機會心歌詠是迴迹宴言非北寺鄰玄闕  
南城寫翠微參差交隱見髣髴接光輝賓序  
嘗柔德刑孚已霽威巨源林下契不速自同  
歸

慈恩寺二月半寓言

二月韶春半三空霽景初獻來應有受滅盡  
竟無餘化迹傳官寺歸誠謁梵居殿堂花覆  
席觀閣柳垂疏共命枝間鳥長生冰上魚問

津窺彼岸迷路得真車行密幽關靜談精俗  
態祛稻麻欣所寓蓬籜愴焉如不駐秦京陌  
還題蜀郡輿愛離方自此迴望獨躊躇

利州北佛龕前重於去歲題處作

重巖戴清美分塔起層標蜀守經塗處巴人  
作禮朝地疑三界出空是六塵銷卧石鋪蒼  
蘚行滕覆綠條歲年書有記非爲學題橋

餞趙尚書攝御史大夫赴朔方軍

勁虜欲南飛揚兵護朔垂趙堯寧易印鄧禹

即分麾野餞迴三傑軍謀出六奇雲邊愁出  
塞日下愴臨岐拔劍行人舞揮戈戰馬馳明  
年麟閣上充國拜於斯

餞澤州盧使君赴任

聞道降綸書爲邦建綵旗政憑循吏往才以  
貴卿除詞賦良無敵聲華藹有餘榮承四岳  
後請絕五天初關路通春壁城池繞晉墟撰  
期行子賦分曲列侯居別望喧追餞離言繫  
慘書平蕪寒蛩亂喬木夜蟬踈參沉秋先起

推移月向諸舊文何以贈客至待烹魚

陳倉別隴州司戶李維深

京國自攜手同途欣解顧情言正的的春物  
宛遲遲忽昔雕戈役旋瞻復寶詞蜀城余出  
守吳岳爾歸思歡愜更傷此春殷殊念茲揚  
麾北林徑跂石南澗湄中作壺觴餞回添道  
路悲數花臨磴日百草覆田時有美同人意  
無為行子辭酣歌拔劍起毋是荅恩私

曉發興州入陳平路

旌節指巴岷年年行且巡暮來青嶂宿朝去  
綠江春魚貫梁緣馬猿奔樹息人邑祠猶是  
漢溪道即名陳舊史饒遷謫恒情厭苦辛寧  
知報恩者天子一忠臣

同饒陽將軍兼源州都督御史中丞  
右地接龜沙中朝任虎牙然明方改俗去病  
不為家將禮登壇盛軍容出塞華朔風搖漢  
鼓邊月思胡笳旗舍無邀正冠危有觸邪當  
看勞旋日及此御溝花

蜀城哭台州樂俞少府

遠來躋劔閣長想屬天台萬里隔三載此邦  
余重來音容曠不覩夢寐殊悠哉邊郡饒藉  
藉晚庭正回回喜傳上都封因促傍吏開向  
悟海益客已而梁木摧變衣寢門外揮涕少  
城隈却記分明得猶持委曲猜師儒昔訓獎  
仲季時童孩服義題書篋邀歡泛酒杯暫令  
風雨散仍迫歲時迴其道惟正直其人信美  
俛白頭還作尉黃綬固非才可歎懸蛇疾先  
貽問鵬災故鄉閉窮壤宿草生寒芟零落九  
原去蹉跎四序催曩期冬贈橘今哭夏成梅  
執禮誰爲謂居常不徇財北登隈螺坂東望  
姑蘇臺天路本懸絕江波復泝洄念孤心易  
斷追往恨難裁不遂鄉將伯孰云陳與雷衰  
殘亦如此夫子復何哀

夜聞故梓州韋使君明當引紼感而

成章

惻矣南鄰問冥然東岱幽里閉寧相忤朝歎

忽遷舟君心惟伯仲吾人復款遊對連時亦  
早交喜歲纔周序發扶陽贈交因司寇酬詎  
期危霜盡相續逝川流卧疾無三弔居間有  
百憂振風吟鼓夕明月照帷秋鮮駁題詩館  
揚踈奏妓樓共將歌哭歎轉爲弟兄留感物  
存如夢觀生去若浮余非忘情者雪涕報林  
丘

先是新昌小園期京兆尹一訪兼郎  
官數子自頃沉痾年復一年茲願不

果率然成章

獨好中林隱先期上月春閑花傍戶落喧鳥  
逼簷馴寂寞東陂叟傳呼北里人在山琴易  
調開甕酒歸醇佇望應三接彌留忽幾旬不  
疑丹火變空負綠條新鬪蟻聞常日歌龍值  
此辰其如衆君子嘉會阻清塵

扈從鳳泉和崔黃門

輦路岐山曲儲胥渭水湄教成提將鼓禮備  
植不取從畋樂先流去殺慈舜韶同舞

日湯祝盡飛時物應陽和施人知雨露私何  
如穆天子七萃幾勞師

奉和聖製幸望春宮送朔方大總管

張仁亶

北風吹早鴈日夕渡河飛氣冷葭應折霜明  
草正腓老臣帷幄筭元宰廟堂機餞飲迴仙  
蹕臨戎解御衣軍裝乘曉發師律候春歸方  
佇勲庸盛天辭降紫微

奉和幸韋嗣立山莊應制

縱金寒野霽步玉曉山幽帝幄期松子臣廬  
訪葛侯百工徵徃夢七聖扈來遊斗柄乘時  
轉台階奉日留樹重巖瀨合泉迸水光浮石  
徑喧朝履璜溪擁釣舟恩如犯星夜歡擬濟  
河秋不學堯年隱空令傲許由

七言律詩

廣達樓下夜醮宴應制

東嶽封迴宴洛京西墉通晚會公卿樓臺絕  
勝宜春苑燈火還同不夜城正覩人間朝市



樂忽聞天上管絃聲  
醜來萬舞群臣醉  
喜戴千年聖主明

人日重宴大明宮  
恩賜綵樓人勝應  
制

疏龍磴道切昭回  
建鳳旗門繞帝臺  
七葉仙萱承月吐  
千株御柳拂煙開  
初年競帖宜春勝  
長命先浮獻壽杯  
是日最靈知竊幸  
群心就捧大明來

奉和春日幸望春宮

東望望春春可憐  
更逢晴日柳含煙  
宮中下見南山盡  
城上平臨北斗懸  
細草偏承迴輦輦  
處輕花故落舞觴前  
宸遊對此歡無極  
鳥弄歌聲雜管絃

興慶池侍宴應制

降鶴池前迴步輦  
栖鸞樹杪出行宮  
山光積翠遙疑碧  
水態含青近若空  
直視天河垂象外  
俯窺京室畫圖中  
皇歡未使恩波極  
日暮樓船更起風

侍宴安樂公主山莊應制

駸駸羽騎歷城池帝女樓臺向曉披霧灑旌  
旗雲外出風迴巖岫雨中移當軒半落天河  
水繞逕全低月樹枝簫鼓宸遊陪宴日和鳴  
雙鳳喜來儀

奉和初春幸太平公主南莊應制

主弟山門起灞川宸遊風景入初年鳳凰樓  
下交天杖烏鵲橋邊敞御筵往往花間逢綵  
石時時竹裏見紅泉今朝扈蹕平陽館不羨

乘槎雲漢邊

景龍觀送裴士曹

昔日常聞公相地今時變作列仙家池傍坐  
客穿叢篠樹下遊人掃落花雨雪長疑向函  
谷山泉直似到流沙君還洛邑分明記此處  
同來閱歲華

扈從鄠杜門奉呈刑部尚書舅崔黃

門馬常侍

翠輦紅旗出帝京長揚鄠杜昔知名雲山一

一看皆美竹樹蕭蕭畫不成羽騎將過持袂  
拂香車欲度捲簾行漢家曾草巡遊賦何似  
今來應聖明

春晚紫微省直寄內

直省清華接達章向來無事日猶長花間燕  
子樓鳩鵲竹下鷓鴣繞鳳凰內史通宵承紫  
誥中人落晚愛紅粧別離不慣無窮憶莫誤  
卿卿學太常

贈彭州權別駕

雙流脉脉錦城開追餞年年往復迴  
道歌謠迎半刺徒聞禮數揖中台黃鶯急轉春風  
盡班馬長嘶落景催莫愴分飛岐路別還當  
最掖垣來

龍池樂章

西京鳳邸躍龍泉佳氣休光鎮在天軒后霧  
圖今已得秦王水劍昔常傳恩魚不似昆明  
釣瑞鶴長如太液仙願侍巡遊同舊里更聞  
蕭鼓濟樓船

五言絕句

山鷓鴣詞二首

玉關征戍久空閨  
人獨愁寒露濕青苔  
別來蓬髮秋

二

人坐青樓晚鶯語  
百花時愁多人自老  
斷腸君不知

汾上驚秋

北風吹白雲萬里渡  
河汾心緒逢搖落  
秋聲

不可聞

七言絕句

侍宴桃花園應制

桃花灼灼有光輝  
無數成蹊點更飛  
為見芳林含笑侍  
遂同溫樹不言歸

重送舒公

散騎金貂服綵衣  
松花水上逐春歸  
懸知邑里遙相望  
樂事生榮代所稀

奉和聖製幸韋嗣立莊應制

樹色參差隱翠微，泉流百尺向空飛。  
傳聞此處投竿住，遂使茲辰躡蹕歸。

夜宴安樂公主宅

車如流水馬如龍，仙史高臺十二重。  
天上初移漢匹，可憐歌舞夜相從。

蘇廷碩集卷下終



